



**Rede Defensor Direitos Umanus  
(RDDU)**

Rua Karketu Mota-ain Nù. 08, Farol, Dili Timor-Leste

No. Telefone: (+670) 77259858, 77139641

E-mail: [joanicogomes58@gmail.com](mailto:joanicogomes58@gmail.com)

---

No.: I/RDDU/F/IX/2018

Vitima sira nia deklarasaun

**1. Angelo de Sousa Gama, tinan 20 servisu hanesan peskador.**

ne'ebé hetan kaptura, hodi halo agresan fisika to'o mate iha fati.

**2. Mateus da Costa Inacio (Peskador)**

Iha tuku 10 kalan ami nain 7 iha barak, hau toba hela iha bero laran derepentí rona kilat tarutu no hau hader rona hakilar dehan ema ida toba hela iha ro laran, bolu hau ho tolo ina huin o mai gala? Hau hader no sae ba Estrada membru PNTTEL 1 husi eskudra laga maka baku uluk hau no husu dehan o hatene problema iha ne galae? Hau hatan dehan hau lahatene, nafatin siak dehan o toba iha ne'e o lahatene, hau nafatin hatan dehan hau mai toba iha ne'e hodi hein oras atu ba peska, iha ne'e sira komesa baku hau hanesan tuku, tebe, baku ho stik no fai ho kilat hatama hau ba kareta laran hodi lori ba iha Eskudra PNTL laga.

**3. Juvilino da Costa Inacio (Estudante EBC soba laran III klase) (Peskador)**

Ami rua apa mai iha Baraka kuaze tuku 10 kalan no to'o mai ba liu toba iha ro laran tuku 11 resin ida Policia to'o mai kaer no baku hau hodi lori ba iha Estrada nafatin baku hau hanesan tuku, tebe nomos fai ho kilat no baku ho istik, hau sete moros entaun hau hakilar dehan apa hau mate ona, iha momentu ne'e kedas hautafui ran tan ba hetan tebe makas no agora hau nia kabun sei moras makas hela.

**4. Mateus de Sousa Gama (Peskador)**

Hau toba hela iha hadak leten derepentí policia mai baku hadak halo hau hakfodak no hader haruka haut un no ba iha Estrada no obriga dehan lao lalais akonpaina kedas ho tebe no husu hau dehan o hotu galae? Hau hatan dehan hau lahatene tanba hau toba hela, membru F-FDTL ida kaer sisar hakat mai hodi se pistola mai iha hau nia ulun, husu tan o hotu galae? Depois nia fila kotuk membru PNTL sira komesa baku lisuk hau hanesan tuku, tebe, baku ho istik no fai ho kilat hodi haruka hau sae ba kareta laran.

**5. Domingos Lorenzo Filipe (Sasain ba matebian nia mate) (Peskador)**

Hau mai husi uma to'o mai iha barak kolega nain 3 toba ona no nain 3 seluk sei hader no halimar hela telephone, to'o 11 kalan kareta ida mai husi diresaun lospalos mai para iha Baraka oin tiru

kilat no hakilar keta halai mate bian foti liman no sira (F-FDTL) mai kedas kaer matebian hodi lori tui tasi ninin mak baku to'o monu ba rai sira lao ba mai dala tolu husi fatin matebian monu ba ba iha barak hateke ba mai no fila ma iha matebian hodi hasai tiha nia ropa hanesan kalsa depois mak sira soe matebian ba iha tasi laran. Depois fila mai kaer tan Mateus hodi halo tortura no loriba iha Estrada no sira hakilar dehan sunu hotu tiha uma sira ne'e. (Kaer susar lori pistola, Asala lori kilat bo'ot)

#### **6. Rodolfu Ducarmo (Sasain ba matebian nia mate) (Peskador)**

Iha tiku 11 kalan kareta mai para iha Baraka oin tiru kilat tarutu matebian foti liman no hau halai ba iha tasi laran hodi helik an iha bero, hau hare sira mai kaer matebian ba baku to'o monu ba rai nos sira lao ba mai dala 3 depois fila ba hasai mate bian nia kalsa no kontinua soe matebian ba iha tasi laran, sira fila mai kartan Mateus ho Juvilino hodi baku no lori ba iha estrad.

#### **7. Sejaltina Cardoso**

**Nudar** inan ne'ebé sai mos vitima tamba hetan amesa husi membru F-FDTL to'o tiru amesan hodi rejulta Sanan kuak, didin uma dapur no Bloku uma nia to'o kuak.

#### **8. Tomas de Sousa Gama**

(Sofer ne'ebé hetan mós ameasa) sepistola iha nia rentos no dada ba estrada hodi husu dehan o kuinese sira ga lae,

#### **9. Tomas de Sousa Gama (Peskador)**

Hau moris iha 1976 hela iha Buigira hanesan bain-bain hau loron hau ba hein bibi no kalan hau ba halo aktividade peska, iha akontesementu ne'e hau toba hela iha 11:00 kalan rona kalen tarutu no halo hau hakfodak hodi harde sai ba iha liur, hakfodak ema haleu ona uma no hau kuinese kedas membru F-FDTL ho naran Asala, no ida seluk naran kodigu Kaer susar, iha mós membru PNTL ida nia lahatene naran lorikilat fai ba iha vitima nia kabun vitima sata holiman rejulta vitima kanek iha liman.

Membru F-FDTL ida ho naran Asala haruka vitima atu halai, vitima lahalai, entaun membru F-FDTL ida seluk honaran kodigu Kaer Susar hakat mai hodi se pistola ba hau nia ulun hodi dudu to'o hau nia rentos kanek tiru sae fali ba leten dala 1 halo hau nia fen ho oan sira hakilar no halao tama ba uma laran.

Sira dada hau ba iha Estrada baku hau no sira husu dehan hau baku no tuku o atu halosaida? iha Estrada ne'e autor sira barak maibe hau lakuinese hotu. Haruka sae ba iha kareta laran, iha kareta laran PNTL 1 ho naran Luis hateten mai hau dehan masin ne'eba ema barak nian, tanba ne'e imi sira mak sei sai vitima.

### **10. Cipriano Rebeiro Gama (Estudante EBC Donbosku Laga II klase)**

Ami tuir hamutuk hela iha Baraka hodi hein oras atu ba peska (rompo) tanba sidauk toba entaun ami halimar hela Dama Membru PNTL ida mai mai kaer no baku hau hodi lori ba iha Estrada kontinua baku hau hodi hatama ba iha kareta laran no tok iha eskudra laga hau hetan fai ho kilat hodi rejulta hau nia liman tohar.

### **11. Secaltinho de Sousa Gama (Estudante Sekundariu Lafaek Laga)**

Iha kalan ne'e hau toba hela iha barak, primu naun rua mak halimar hela dama, alin mai fanu hau dehan Maun polisia mai wain hira hau hader polisia mai kaer no rasta hau sai husi Baraka laran hodi lori ba iha nakukun sira baku lisuk hau, sira baku hau ho istik dala rua so tuku no tebe maka barak, lori hau ba iha Estrada nafatin baku hanesan ne'e no hatama hau ba iha kareta lara hodi lori ami ba iha Xefé suku nia uma antes ba iha eskuadta laga, to'o iha eskudra laga kontinua baku ami no haruka katus sira tur hamutuk klosan sira tuir hamutuk, nafatin baku ami, haruka mai hasai foto, hodi lori ami ba hatama iha selela haruka hasai hotu ropa no iha membru balun hein kedas hau iha odamatan sela nia hodi bak hau antes tama ba sela, iha sela laran sira fakar be halo bokon no obriga ami atu labele toba iha kalan ne'e.

### **12. Julio Magno Gama**

Hau halimar hela dama hodi hein oras ba peska membru policia mai kaer hau lori ba iha Estrada hodi baku ho istik no fai ho kilat kontinua hatama hau bakareta lararn tuir dalan nafatin halo tortura baa mi.

### **13. Nilton de Sousa Gama (Xefé Suku)**

Hau toba hela iha 12:00 kalan rona asu hatenu hau sai husi uma laran mai hare iha membru F-FDTL 2 ida nara Kaer susar, seluk hau lahatene naran ho PNTL ho naran Juli hau hase kedas Jul, Asala dehan xefé suku mak ne'e ga? sira mai no hau kaer liman ho Juli, Asala no la konsege kaer liman ho Kaer susar tanba nia dehan hau laos mai atu kaer liman no sik dehan tun husi ne'e entaun haut un baa mi ba iha Estrada sira husu hau dehan o kuinese ema sira ne galae? Hau hatan dehan hau kuinese sira hau nia povu balun hanesan hau nia aman, oan no maun, alin se nune entaun sae kareta hau sae dui kareta hodi lori ami ba iha Eskuadra laga.

To'o iha eskuadra hatama uluk sira nain 7 ba laran de pois hau tama tuir iha Laron mos hau hare sira halo tortura hasoru vitima sira, fahe joven sira tuir iha parte liman los no katuas sira tur iha parte loman karuk. Depois sira bolu hau ba iha laran komesa halo asaun hasoru hau hanesan tuku no tebe to'o hau monu tama ba iha meja okos, hetan intervensaun husi membru patrolamentu Baukau nian dehan amu bele tur tuha iha kadeira hau la hamrik tanba oin halai no Kaer Susar mai kae hau nia liman lori hau ba tur iha kadeira.

Depois sira kondena hau dehan nusa o dehan latouk F-FDTL ho PNTL? Hau hatan dehan lae, hau lakoalia no hau kopera ho parte siguransa tanba ne'e 12 kalan imi ba bolu hau mai to'o iha ne'e.

Membru PNTL seluk mai lori sapeo baku hau nia ulun hodi dehan brow tenke kopera ho Policia. Depois balu ba hasai foto ida-ida kontinua hasai sira nain hitu nia ropa hodi hatam ba iha sela, antes tama ba sela membru sira hein kedas ona iha odamatan hodi halo tortura ba sira antes tama ba iha sela laran, iha sela laran sira fakar be hodi obriga vitima sira labele toba iha kalan ne'e.

Kontinua lori hau ba liu iha mate uma ida iha laivai hodi hatudu kareta ne'e hetan estragus husi grupu deskuinesidu iha loron hanean antes mai kaptura vitima sira, sira lori hau ba hatun iha igreja oin 2:00 madrugada.

Autor ne'ebé sira vitima kuinese no hatene naran:

- 1. Duate Ximenes (Soru) II sargentu**
- 2. Julião**
- 3. Salvador**
- 4. Kaer Susar**